


1410



靜修先生文集  
二



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

**TIPPEN** Color Control Patches

© The Tiffen Company, 2007



靜修先生文集卷之七

五言律詩

除夕

百歲三分一 初心謾慨然  
空囊難避節 青鏡不藏年  
靜閱無窮世 閑觀已定天  
履端思後日 四鼓未成眠

晚 上易臺


遺臺連廢壘 落日展遙空  
海嶽天東北 燕遼世古今  
每當多感慨 直欲罷登臨  
莫更留塵跡 千年不易禁

登武陽

朝游樊子館 晚上武陽城  
潮接滄溟近 山從碣石生  
斷虹雲淡白 返照雨疎明  
且莫悲吟發 樵歌已愴情

鄉 郡南樓懷古

南北世更迭 江山人重輕  
澶淵出師詔 顯德受降城  
遺



恨幾時盡寸心千載生區區蓼花詠擬計欲何成

蒲城道中

學館三年夢西山此日行人生兩屐足世累一囊輕別  
澗水流合斷林煙補平誰能分半壑相與結巖耕

夏夜

院靜復夜靜幽人廿慮輕是非容勿辨憂寵莫多驚萬  
樹烏飛月千家犬吠聲夢回無一事惟有紙窻明

重游深泉

人世自人廿儻然物外身滄浪來照影白帽恐生塵題  
壁雲封石攀花鳥護春今年風景別開卷覺詩陳

張氏別墅

惡木推不去好山招未來豈無平曠地當有妙高臺芳  
草趁陰坐雜花隨意開東南村落近試與問新陪

書堂旅夜 三首

少小抱孤苦飄零重此行迂踈從我好憂戚賴天成夙  
志存無幾羈懷觸又生寸心同弱草歲晚怯霜清

淹留已半載去住意向深月色一千里愁人方寸心秋  
聲助搖落生理嘆浮沉松桂清霜滿哀歌動故林

丈室不自掃寸心徒爾豪世途仍險阻風物故蕭騷皓  
月霜洗淨明河天放高空庭一片石獨坐首頻搔

生日

四十舉兒子明珠掌上稀佳境蒙養正朱蜜病防微春  
露有時降孤雲何處飛悲歡共今夕餘涕不勝揮

虞帝廟 二首

淫祀偏區宇空山餘帝宮皇靈有天在像設與人同身  
世千年後塵埃百感中清泉分一酌毛骨潤南風

四顧蒼何際，威靈儼若臨。山川尚淳朴，天地自高深。鳳鳥千年歎，簫韶三月音。玄功久無復，徒抱致君心。

音村道中

此日西塘路，來閑作勝游。深深柳成巷，脉脉稻分溝。白石長含雨，黃花不受秋。移居新有意，試就野人謀。

城南

山人懶到骨，一出動經秋。欲赴城南約，如營海外游。岸容收潦盡，村色帶煙留。禾黍歲將晚，農家猶未休。

有客

有客談稼穡，對人增感傷。自言二頃業，不博半年糧。宿麥得春早晚，田經早霜無功。一杯粥俯首汗如漿。

早行

曙色警初動物，情無久閑。薄凌護頽岸，落月淡空山。殘

夢失逆旅，少休期守關。尋常午窻雨，擁被聽珊珊。

白菊

僂草尚孤潔，東籬芳未芳。精神渾是露，氣勢已無霜。夜月藏不得，晚風吹又香。天教陶靖節，素髮與交光。

水亭夏日

孤亭耿獨坐，一碧澹凝秋。氛雜市聲遠，空明雲影留。傷時仍磊磊，對鏡即休休。幾欲解維去，乾坤無釣舟。

野興二首

乘興閑登眺，歸來晝掩扉。靜中見春意，動處識天機。大節始終論，全才今古稀。平生有舊約，常恐寸心違。

莽莽榛蕪路，蚩蚩魚肉民。乾坤幾逐鹿，今古一傷麟。眼底人，人間世。曾中物外春，江山滿花柳。無負百年身。

秋望

病骨秋偏早單衣露亦寒微雲生水際暝色起林端地  
迥月遲下樓高山易殘輕風吹欲舉醉袖拂層巒

雜詩七首

堯山唐故國淳朴帶遺蹤種果收奴力開田享素封採  
收多上藥景仰近神峯夢寐驅黃犢巖居一老農  
聞昔蠶孤口奇兵入擣虛人才九州外天道百年餘草  
木皆成騎夜寇盡化魚遺民心膽破諱說戰爭初  
冀北高寒境英靈海岳全斯文若程邵家世亦幽燕祀  
典今誰舉遺經會有傳吾鄉此盛事瞻仰在他年  
關嶺通山後風謠採路傍地寒人好壽草淺畜宜羊用  
水如奴婢從川貯米粮西風如有約乘輿即吾鄉  
何事招提好山深焉可驅松巢低映帽竹溜細通厨霜  
粟千封力雲屏四畫圖冠巾如用我白鹿起規模

巖居訪高道少日在風塵回首話前事低眉厭此身江  
山資寇盜田畝化荆榛領取天倫重無君愁殺人  
水繞千山台雲藏數畝荒初尋香有陣漸入翠成行豚  
奔依危石牛蹊帶小塘團茅奄如畫可惜是逃亡

早發濡上

寒出防優逸詩情非浩然煙濃山失色雲重雪連天坏  
戶僂游上冰稱老境前別家志再宿桑海問何年

偶書

擾擾推遷裏誰知不偶然要從人力外推見事機先青  
白天公眼低昂造物權俗情謾惹喜倚仗有他年

宿田家

偶到田家宿歡迎如遇仙杯盤陳戶側妻子拜燈前青  
白眼誰靜炎涼情易偏豈知人世外還有野夫憐

半世

半世恒棲託孤生備險艱寡言非蘊蓄補性類清閑生  
計朝霞上交情暮雨間柴門本無客幽僻况長關

重渡淖沱

遙臨淖水岸回望土門關秋色曠巖上川形拱抱間分  
疆人自隘設險地誰慳欲問前朝渡江鷗故意閑

恒山樓

萬嶺尊恒嶽遺臺枕後潭仰高懸對坐哭險負奇探影  
落滄溟北雲開斗柄南山靈憐野客今夕費煙嵐

登鎮州陽和門

百尺市門起重過為暫停毫分秋物色未聚趙襟形北  
望雲開岳東衍氣犯星憑攬天宇在人事聽浮萍

辛巳中秋旅亭獨坐

分光陰太盛無力掩滄溟大塊供微黑高天失蒼青興  
從愁外發秋向露邊零點數山河影依稀見草亭

文章

文章費餘力齒髮愧初心璞有連城碎玉精非百鍊金靜  
中天地我閑裏去來今烏散爐薰盡長歌激暮陰

一身

一身能換骨毛髮散冲融氣變精醇後人生感化中朝  
陽方杲杲春意正濛濛百載唐虞德方成比屋功

周邵

百年周與邵積學欲何期徑路寬平處襟懷灑落時風  
流無盡藏光景有餘師辜負靈臺境圖書重一披

上塚

過家來上塚顏影念孤蹤春露歡迎失寒泉感激濃千

金一毛髮十夢九音容不惜從黃壤多慙未了曾

送東海相士

青鏡雲千變紅顏酒一卮忘言三日雅觀化百年期烈  
火誰當救神游亦自奇海山如見問聊舉送君詩

寄答祖丈

先友從游地雍容几杖尊秋風太古觀春日樂郊園妙  
理欲自得高情誰與論別離空六載期待負知言

贈答徐生

三年不窺牖城府百山深於道無少得多君肯見臨一  
杯上池飲千古水仙首為子終宵話相期勞寸心

憶金坡道院

平昔多游覽茲游不易忘溝涂春脈脉松石晚蒼蒼有  
客愛山谷無家名草堂金坡從此號聊著永相望

過唐水望堯山

神化大無外名山能幾峯威顏渾咫尺天日尚雍容蒲  
阪堪飢死重華有舊蹤二謨讀未老於此卜巢松

哭張之傑

義許同生死奪君何遽然無人共清夜有淚葬黃泉苦  
疾承子禱遺孤託我憐傷心墓頭字旌孝看他年子題  
其墓道為張孝子墓

宋道人八十詩卷

往事枕中記新編柱下言知音有銅狄逸史訪金源春  
露霑濡際秋陽想像存初逢疑夢寐垂淚拜桓温宋魏施尚德子

哀郭勸農

才命不相偶如君良可嗟半生在人下一死更天涯三  
歲同君里前年過我家相望已塵跡零落舊煙霞

寒夜

肝膽了無寐襟懷誰與同更長頭可白燭暗火逾紅硯  
滴水生癭星流氣吐虹林鴉先我起鳴噪竟何功

閱賈氏名方

人從大節論士向絕無求獻可有先見老泉多遠憂方  
書空物齊者舊盡山丘矯首候斜日窻中倦鳥投

感范女

房望吳中范衣冠相國孫風流猶李白推譽已陳雲感  
事哀龍種慕名重虎賁乾坤厭更迭誰與救紛紛

鄉人王母九十

九十青瞳母寒溫白髮孫桑田閱滄海冠帽記金源案  
上春風橘階前雪色萱移家就隣舍種杞易陽村

哀徐生

去歲登高句霜風秋幾多東籬成惡識西郭動悲歌天  
道憐渠在吾文柰尔何送君紅樹下風葉尚吟哦生且  
死求子金為不枉計東籬事見擊壤集

眼醫詩卷

火景元中暗月光徒外明每當天抹漆未便日無睛暗  
自何年有明從底處生若知當告我心事在蟾精

褚母節孝詩卷

寂寞吾鄉國才難婦愈賢題評慚我後旌表聽人先艱  
苦初心盡安榮老境偏幽潛天有待留看百來年

寄彥通

吾子今應健山人老已癡迷藏高著眼興廢大觀基感  
遇渾非昔忘懷若有思絃歌吾舊隱寂寞暮春時

願齋張先生挽卷

與先奉直府君同住金太李

蒼鶴晨星盡公亡益可嗟先人曾共學稚子與數通家  
白日明心素青山點鬢華封龍餘爽氣誰與酌煙霞

山中憶故人

故人南郡去消息久無聞  
踏草正堪種白雲誰共分屋  
梁驚落月鵬翼賦垂雲歲暮一尊酒高歌如見君

何太夫人壽二首

近親猶致敬結友合升堂  
薄俗隨遷變浮風墮渺茫  
吾人當復古此日得梅鶻  
高詠靈椿句燕山暮色蒼  
去歲稱觴後今朝重過庭  
將軍不好武宅相舊明經  
拙宦供行樂忠臣見典刑  
北堂多竹石歲晚亦青青

送尹宰

百里衡山縣千年陸宰名  
隣封今見此鄉校可無評  
俎豆欲成趣絃歌漸有聲  
涑陽吾舊隱聞去亦關情

夢採松脂及甘菊

樓遲負松菊夢寐得甘馨  
隱逸喜同臭流膏味獨青  
人誰借二徑天欲制頽齡  
毛骨清猶在枕邊霜露零

鸚鵡

風雨戾櫺暗猶疑隴樹昏  
無愁緣得食有夢想高翻巧  
語誰自脫深憐未是恩  
人情多好異渠豈不能言

過奉先

閨遼承宋統此志亦雄哉  
置縣名猶在因山勢已摧  
百年元魏史千古汝南哀  
華表鶴應有悲風海上來

種杞

法出千金要畦容一席  
分灌甫身已健採實夢先勤  
白棘憑誰辦靈虺祗自聞  
知音九節杖惟有華山雲

移甘菊

移晚戒前歲植相先此秋親嘗杖屨遍嚴課僕童憂小  
藥終年計新羹一飽謀區區嘆莎棘陸子謾多愁

採野苣

糞壤自肥膩兩苗絕世紛炊餘香更美甘出苦難分宜  
酪法新得輕身方又閒野人聊自享未敢獻吾君

食瓜白

採食陂塘利分甘野老心杯盤收浩渺蘋藻避清深命  
婢即能識招隣亦見臨吾鄉希此味咀嚼有吳音

秋日

山人久不出今朝天氣清秋光濃可掬草色翠相迎捫  
蠶暮山碧敲門新笋生歸來重回首佳處未忘情

張監院過

有客敲門久山人與鶴歸論文翻草本換酒當蓑衣暫

會還成別相歡且莫違明朝誦佳句此望漫依依

酒令

觴至欲何語令嚴當謹聞茅容惟問稼李白只論文且  
喜無多客毋辭過半醺故人知此老舉白解浮君

觀藥爐自戲二首

無病不服藥康節語也此懷清更嘉歐陽或有道韓子

豈無瑕羸疾嗟子父名方信彼誇回頭謝鷄犬何日是  
仙家退之服硫黃一疾訖不痊樂天詩也赤松共游也

不惡誰能忍劒啖仙藥已將壽夭付天公彼徒辛苦吾

差樂東坡序歐陽子語也

地隨服仙草黃精失採花徵求遍親友炊爨磬樵車屢  
敗從人笑偶成容我誇側聞僮僕語辛若是仙家

旅夜

款枕寂無寐，沉思坐不禁。靜中天地我，閑裏去來今。磊  
磊平生事，休休今夜心。何方有邊戍，雲外急清砧。

送友主

無人慰幽獨，之子罷登臨。野鶴籠中態，翔鴻天外音。吾  
儒關世運，晚節見初心。有問山間事，白雲今更深。

名醫張國綱挽卷

良醫不出戶，真隱要逃名。宿草今如此，春風宛若生。一  
囊二世藥，兩子萬籟金。平昔憂多病，懷賢倍有情。

送成判官

釋菜成鄉約，從君此例新。歡游渾幾日，離索又殘春。相  
愛求詩切，臨行狂駕頻。幾年人事絕，送子為情親。

盧孝士按察江東

不廢藟莠賤，狂言試一聽。品題停月旦，言動律東銘。飲

少得真樂吟，多損性靈青。燈四書外澹，泊養遐齡。

郭判官按察廣右

謝病三公掾，分司五嶺南。柱山天下秀，憲府百僚參。夜  
泊防風浪，晨征避瘴嵐。遙知慈母念，先汝過湘潭。

楊子忠總督福州

燕趙多豪傑，楊侯氣自奇。風流猶世胄，開爽亦天資。尊  
俎論交地，江山送別時。閩中有佳政，聊用慰相思。

登保府市閣

十載鷄泉隱，今朝市閣晴。民謠混諸國，里號帶軍營。瀛  
海依依見，堯山隱隱橫。懷仙與思古，獨立若為情。

烏古論顯之母夫人挽章

冠帔金源舊，門闈戚里榮。鶴悲人世短，銅泣露盤輕。往  
事驚波去，新墳宿草生。烏啼原上樹，霜月有餘清。

劉仲文挽章并序

仲文名郁祈州蒲陰人少從事毫府軍謝病歸杜門不出以春秋左氏學為業所居里名黃臺因以為號後仕京師為將仕郎年六十餘命酌賦詩而終子允今為太常奉礼郎楚塞十年役黃臺一室春從軍有何樂學道不知貧生子為名士居鄉稱善人死生無所恨今古一丘塵

送成從事

易水河梁夢回頭已十春相逢驚我老送別向君頻求贈攀前例將詩認故人故山松菊在歸去未全貧

張察院分司臨安

餘杭古佳麗御史重分司甘旨足為養江山能助詩梅花春早晚潮候月盈虧糾按先從此陰陽恐失宜

蕩尊宋祕監索賦

南國有奇竹天然成酒尊來因交趾使價重祕書門合蓄中誰似堅貞節尚存盤盂古人意觀象可忘言

寄子東太守

一夕西山客十年往事非黃塵驚我老青眼似君稀別浦秋容靜離亭草色微殷勤重寄謝後會不應違

示張源

堂高餘慶在道重曾齋傳洗眼名家後驚心大學年白頭負風鑒青佩見時賢明白鹿門隱須君拜我前

宣慰孫公慶七十詩并序

至元二十七年冬與處士張君察院張君提舉郭君都事張君飲教授趙君所工匠提舉孫謙繼至察院曰是家古出官也將甲氏四

世矣今其翁正議公階是爲宣慰使歷事四  
朝登秩二品有子若孫皆佩金紫開歲七十  
尚躍馬不衰惟爵與齒實一鄉之望凡所與  
游礼宜往慶在吾輩慶且有詩於是約各爲  
詩一首言韻古律不拘既成俾諸孫捧觴歌  
以獻壽公宜每篇爲盡一觴不辭十二月二  
十九日樵菴序

爲仁存世職得壽見陰功家產千金學官銜二品隆子  
孫皆貴顯飲啖尚豪雄五福誰全備吾鄉有此公

嘉甫從親王鎮懷孟

茲游真可樂免苑更扮榆老悌燕南選文章郝氏徒早  
年多急難晚節足歡娛寄詩賢兒姪詩書是遠圖

靜修先生文集卷之七

靜修先生文集卷之八

七言律詩

春陰

澹澹春雲暖更輕一身酒力若雲生無人也笑樂所使  
未醉先休氣始平時雨露枯或有藥微風著物不聞聲  
人生日用本無事閑倚西窗候晚晴

秋日有感

自恐規模日蹙然每便孤坐靜無邊仰觀俯察無多地  
往古來今共此天或知或愚能幾里一鳴一止又千年  
南山正在悠然處目送孤鴻手絕絃

多病

多病年來放盡慵一龕堅定避深冬欲忘言劇飲先醉  
不得意時山故濃只許國人知我陋見邵子無名公序

無妨高論笑吾庸  
為謝白雲著意封

見司馬公庸書序

西巖近有靈芝種

日午

日午雲輕草色蘇  
出門杖屨自徐徐  
乾坤俯仰窺難見  
花柳青紅畫不如  
靜處規模惟厭小  
動時文理却嫌踈  
眼前光景無窮態  
注盡濂溪太極圖

偶成

一語未能分付時  
難言方信到真知  
道參天地用何小  
心有羲皇生豈遲  
後世直須要揚子  
百年即我是鍾期  
折花笑對滄浪影  
不覺東風就手吹

湖上

湖上幽居事事幽  
卧看書卷坐垂釣  
晴窗閑是長年國  
暑簟靜為無熱立  
心遠何妨在人境  
室虛元自有天游

家人大笑詢生理  
報我西風咫尺秋

十月朔展省後登古城有感

手線西風失弊衣  
高城煙樹掛斜暉  
徘徊飛鳥不忍去  
蕩漾滄波如欲歸  
幾為霜來驚露往  
每因物是見人非  
詩書未辨鄉鄰化  
道德初心恐易違

道士孫伯英容城故居

并序  
伯英名邦傑世為縣之貴族遺山元公為作

墓銘稱其游太學所與交皆天下名士氣甚

高見金世已亂天下事無可為思得肆志方

外以耗壯心而老歲月遂為黃冠師以終葬

毫之太清宮側時年五十一因兒時嘗見

先君子錄其家世文行之美以示鄉人今過

其居感而賦詩

政教才氣敵希夷冠帽翻然亦未宜誰辨胡寅論鴻客  
見讀史管見只除坡老識安期見安期生詩可憐喬木  
空秋色惟有青山似舊時欲傳先賢問遺事故園猿鶴  
不勝悲

過鄉縣西方古故居并序

古金大定間人嘗舉進士不第遂歸獨居一  
室置琴書其側不妄與人交縣令佐公服候  
門亦以遜辭謝遣之有田數十畝食其所獲  
如菽熟惟食菽鄉人好事者欲以米易之不  
聽曰是天所食者不可易也監察御史按行  
郡邑聞其行止之不報其為人蓋亦近於聖  
學之所謂狷史家之所謂獨行者歟先父每  
舉以律鄉人之貪鄙者故鄉人至今能道之

古死無後其丘隴已為樵牧區今過其居亦  
莽焉荆棘中矣不覺感歎夫發潛德而紀先  
賢實後生之責也顧力未能焉姑題詩以紀  
先父之訓云

名姓初聞自過庭山田力食老窮經鄉閭月旦歸公論  
蒼宿風流尚典刑感事重吟鳧繹集懷賢誰築聘君亭  
還家游子悲千種念舊思親淚最青

登雄州城樓

古戍寒雲接渺茫故鄉遊子動悲涼江山自古有佳客  
煙雨為誰留太行野色分將愁外綠物華呈出夜來霜  
海門何處秋聲急極目滄波空夕陽

夢先隴

望望東阡見松桂孤雲為我且踟躕十年一夢等閑過

四海此身何處無千丈春暉空寸草萬山明月只啼鳥  
舊家三徑今誰主羨殺河汾有弊廬

宿玉泉村

先父嘗欲卜隱於此

怪見清暉逼晚襟太行骨字未消沉徘徊終日不忍去  
寂寞高盟如可尋欲向孤雲問蹤跡只應老樹記登臨  
棲遲零落如今比淚盡章齋刻印心

外家西園李花

無邊晴雪映柴扉夢裏繁華又一非人與丘山屬零落  
天教草樹記芳菲每因寒節來相訪重爲餘香不忍歸  
里社他年有成約結菴終擬號春暉

入山

草露蛛絲曉日明亂蟲秋意有先聲屈盤未轉坡陀盡  
蒼翠忽從懷抱生一徑峯回失南北兩山雲近異陰晴

天公若會登臨意可信傷心畫得成

晚眺

巖姿濃淡似吾詩雲點青山學鬢絲老樹遺臺秋最早  
斜陽流水鳥偏遲無人能解此時意如我曾來前古誰  
本爲登臨解陶寫豈知搖落更堪悲

山中月夕

滿懷幽思自蕭蕭沉對空山夜正遙四壁暗秋霜蒼色  
一天明月水生潮歌傳巖谷聲豪宕酒泛星河影動搖  
醉裏似聞猿鶴語百年人境有今宵

惡鳥

山中夜夜聞惡鳥悲鳥聲中似訴渠氣運變遷皆以類  
陰陽對待不相無形聲如此誰隣我天地初生已有子  
能辨春風長白日願將花柳付提壺

五月二十三日登城樓

獨倚危欄數鬢毛一簾輕燕晚涼高雲移山影亂初定  
雨帶風聲來漸豪物外此天才一幕人間何事不秋毫  
遠遊未盡平生興幾欲狂歌續楚騷

曉出西塘

塘水隨人緩步行長湍敷布故輕清太行穠秀霜洗淨  
全趙規模天鑿成偶為登臨發悲詠忽從毛髮散秋聲  
殷勤莫盡尊中酒留到青山佳處傾

良辰

莫遣閑愁負此身鶯花逐日是良辰乾坤苟養元關我  
土木衣冠亦象人大德豈容輕錄怨小疵休廢更求醇  
此中空洞渾無物萬紫千紅總屬春

南樓

登臨秋思動鄉關展盡晴波落照間嘆老自非緣白髮  
愛閑元不為青山幾經分合出良苦不管興亡天自閑  
初擬憑欄浩歌發壯懷空與白鷗還

野亭會飲二首

列坐平分草色勻四圍天設翠屏新不可一日無此客  
安得四時長是春野鶴自成難進狀江鷗不作近前嗔  
鳥聲似向花枝說好箇羲皇向上人

曳杖蕭然一幅巾山夫野老解相親橫身物內誰為我  
賦象天中彼亦人細數平生無此會來來一醉負今春  
舉杯自壽復自笑萬壑煙霞吾豈貧

行樂人生當及時今朝光景為誰欸林陰薄薄微露日  
花氣溶溶暖著人春色十分看欲盡鳥聲千種聽難真  
東風就手吹殘酒無限青山動翠鱗

淺酌

淺酌微吟意自真  
新詩改罷酒微醺  
流鶯暗逐春光老  
獨鶴潛驚夜景分  
共見白駒如晚景  
豈知蒼狗是浮雲  
無邊風月誰無分  
只恐靈臺未屬君

夢鎮州潭園

先父舊隱

昨夜分明是鎮州  
溪潭先子舊曾游  
魂來千里太行碧  
夢覺滿庭煙水秋  
古淡園林無限意  
登臨今昔幾人愁  
當年猿鶴應無恙  
爭信書郎慢白頭

過鎮州

太行迎馬鬱蒼蒼  
兩岸灘聲帶夕陽  
霜與秋容增古淡  
樹因煙景淡微茫  
閱人歲月真無謂  
得意江山差自強  
曾記城南舊時路  
十年回首儘堪傷

井陘淮陰侯廟二首

飢僮羸馬倦重游  
萬將分兵此坐籌  
滅項豈知秦尚在  
奪齊便覺漢無憂  
英彭一體誰遺類  
絳灌諸孫自列侯  
愛殺鹿泉泉下水  
亂山百折只東流  
許身良犬笑君癡  
快快難勝已自危  
知數相推難免死  
才名如此豈無疑  
兩年藩鎮真猶假  
十載君臣喜又悲  
最恨當時蕭相國  
直教三族到全夷

讀漢高帝紀

禮樂經秦掃地空  
遺民洗眼續王風  
規模自襲挾書律  
舉錯惟推約法功  
魯國兩生心獨遠  
新城三老義誰同  
只知才到蕭曹盡  
可信高皇是沛公

易臺

望中孤鳥入消沉  
雲帶離愁結暮陰  
萬國河山有燕趙  
百年風氣尚遼金  
物華暗與秋光老  
杯酒不隨人意深

無限霜松動巖壑天教搖落助清吟

秋夕大風有感

坤輿聞說若行舟乘此真堪萬里游大塊氣豪知寡和  
黃紬坐穩覺無求窻間小草根自賀雲外高松聲亦愁  
明日西山想清瘦天教老眼看晴秋

盆池

自慚眼孔一盃多奈此無邊風月何莫道渾非九雲夢  
不妨能著百東坡軒旋在手天隨轉虛靜如心景自過  
誰弄扁舟詫吳越為言吾老快風波

水燈

南湖新綠破春容一炬才分萬炬同共說金膏能有景  
豈知陰火解生紅魚龍水樂三更後星漢仙槎一色中  
喚起東坡看清曉向來碧海又青銅

方鏡

當年玉斧落何方陰魄誰教擬太陽翻起坤輿看鼉背  
借來心鏡發天藏衣冠嚴肅知無愧肝膽輪囷覺有芒  
四海風塵競白日託身分我鑑中涼

西窻

洛水秦山夢寐前風流陳邵兩癯僮中峯太華五千仞  
皇極一元十萬年斯役閑來歸舊隱迷藏畫出稱高眠  
人間此意今誰會卧看西窻生暮煙

有懷

飄飄遺世覺身輕尚友千年粟若生瑞日祥雲程伯子  
冰壺秋月李延平浮塵滄海人事換晴雪太行眉宇清  
倚杖歸來北窻下一樽濁酒為誰傾

記夢併序

至元戊寅十一月二十四日夢十餘老翁衣冠甚偉以章疏薦予童中署予爲金文山人而見稱之語甚多既覺惟記松柏歲寒桑榆晚景之句而每句之下又各忘其六字遂以詩記之

夢中說夢已成癡更擬從翁問所疑松柏歲寒應有謂桑榆晚景欲何爲名書丹闕非吾望家在金文不自知果有僊山箇壁土先生亦欲住仇池

捲簾

捲簾雲樹散微明淡似幽人百慮輕真宰雕鏤亦良苦洪爐消鑠似無情空巖月出人境失瀨露秋巖山氣生欲寫天機誰領會西風吹作棹歌聲

偶作

爲貪風月重登臨感慨幽懷不易禁靜裏形神君與我眼中興廢古猶今區區比世真何物落落平生只寸心聞道江湖好煙水飛鴻滅沒有遺音

高亭

高亭雲錦繞清流便是吾家木乙舟山影酒搖千疊翠兩聲窻納一天秋襟懷麗落境長勝雲影空明天共游笑向白鷗問塵世幾人曾信有滄洲

放歌

未須鵬翼賦垂雲老眼水壺亦自新碧落銀河見高舉紅塵白日屬何人纍纍坐閱秋風客擾擾空悲地上臣左挽浮丘一杯酒吾言夸矣不須嗔

自適

久矣黃塵絕往還惟餘風月到柴關清霜烈日從渠畏

野鶴孤雲覺自閒，天上銀河連碧落。人間秋色對南山，高吟大醉堯夫老。只有豪誇不易刪。

老岸

老岸陰陰雲樹清，紫門寂寂綠苔生。空明萬象隨月出，水墨四山因雨成。千古心期破茅屋，百年人事短燈檠。道人不是悲秋客，聽盡疎蛩夜夜聲。

世上

世上悠悠儘自爭，眼中隱隱放教平。飛蠅觸鼻人爭怒，落葉臨頭我漫驚。既有陽秋暗消長，何須青白大分明。疾藜原上青霜重，辛苦十年跣足行。

幾葉

幾葉疎桐萬斛秋，四山清露一窻幽。人能知足隨處樂，心若忘機百慮休。事物闕來如有悟，囊箱空慣已無羞。

醉中曾聽家人語，老子年來不解愁。

萬古

萬古遺編未寂寥，一窻風露晚蕭騷。有時陶令羲黃上，何物元龍湖海豪。鼯鼠千鈞宜自惜，蟾蜍寸鐵亦徒勞。年來點檢人間事，問舍求田計最高。

老大

老大情懷隨處樂，幽閒氣味逐時添。平生長物不入室，一日百錢輒下簾。題品雲山寧有諱，收羅風月不妨廉。客來恐說閑興廢，茶罷呼碁信手拈。

山石

山石那容玉獨堅，人生磨滅殆天憐。畫蛇最戒足無用，書馬常憂尾不全。誰見虎鬚真可捋，自慚鷄肋豈勝拳。誤人每笑婁師德，不領春生未唾前。

人生

人生底用費閑思物理通來盡我師凍雀猶能樂生趣  
秋花元不厭開時齊妻必娶終無偶秦越未生寧乏醫  
若道求安酒待足百年何日可伸眉

夏日即事

迂踈爭笑近清狂多病筋骸可預防  
久乏園蔬因種藥不留窻紙寫抄方  
閑從鳥雀分晴晝靜與蛩螿共晚涼  
莫道幽人好標置北窻自古有羲黃

冬日

砂瓶豆粥土床煙中有幽人意漫然  
元晦居山豈懷土仲尼微服即知天  
閑中作計飽為上書外論交睡最賢  
小子應門當拜客病夫便靜乞相憐

午窻

終歲柴荆掩寂寥物情多忌恐難逃  
家君關白惟求省應物寒温亦憚勞  
陳瑾只知炊餅大元龍新厭卧床高  
午窻葉影風成陣病擁絢衾氣尚豪

馬酒

洪家桐馬豈無傳力盡皮囊味始全  
曾次沃焦常八九眼中騾牝少三千  
百杯誰有神駒氣一暮何分勅勒天  
彼酪猶能奴命若南風到此更凄然

平昔

平昔襟期鏡屢看而今涉世願高年  
自憐不唾青城地共笑仍憂把國天  
履影無傷猶不忍吹壘雖誤亦當然  
人間萬事思空遍依舊西窻理斷編

冬日

迂踈懶散百無能半似田翁半似僧  
製藥就圍煨芋火

檢方聊趁剝麻燈自知豪爽今無復共道癡顛舊不曾  
閑倚南窗貪覓蟲敲門人怪不時應

次人韻

樂天方識淡中甜安土無妨著處黏道在市朝皆可隱  
機忘鷗鳥亦無嫌窻虛不礙山雲度樹老慣經秋氣嚴  
世上閑愁渾幾許而今青鏡滿霜髯

中秋

天借無雲兩借清月邊涼露滴無聲只知老子興不淺  
誰信太虛白亦生四海誰當共人影寸心直擬配高明  
二句夢中得乾坤元有冰壺在回首紅塵意未平

人情

人情雲雨九疑山廿路風濤八節灘共說長安如日近  
豈知蜀道比天難浮航莫笑天腰舟渡坎井終當繫木觀

會取登高有良法此身何地不平寬温公曰登高有法  
徐行則不困脚踏實地則不危

次韻答張夢符侍郎

灑然一榻卧成痕多病人陳自古云執別三年猶念我  
開緘千里若逢君家聲舊仰遼東鶴才望今稱冀北群  
每憶琴尊前日雅幾回搔首賦停雲

靜修先生文集卷之九

七言律詩

有客

門前有客通名姓一別十年記憶無鬢髮俱驚各衰白  
行藏已涉幾榮枯急呼蒲酌辭醅軟聊用親嘗補飯籬  
深感故來兼又候送歸雖病不須扶

雨夜

夢覺呼童問幾更未嘗先作不平鳴山深六月有秋意  
夜靜滿城惟雨聲四海虛名此身愧百年浮世寸心驚  
誰教簷溜如愁思欲斷還連直到明

現前

萬事除無取現前此身隨處可周旋居南懷北豈安土  
已夏願春非樂天誰謂包涵心有外我知彌滿道無偏

洞觀今古平平在賸盡區區智與權

上塚

鄉隣見戲說兒童日日相邀社酒紅故國無家仍是客  
病軀未老錯呼翁里胥驗帖徵游戶縣長聞名謁下風  
欲向溪南訪喬木不禁煙雨正空濛

桃花菊

東籬元不是天台誰挽春風到酒杯丹藥有靈能換種  
黃花從此不須開已經晚節霜纒識不是寒香蝶亦猜  
老眼淵明不今古幾回春去復秋來

夏日幽居二首

隱几青山意獨長回看人世易炎涼栽培得力江陵橘  
薄惡傷心陸氏莊莫就一時論絳灌要從千載到羲黃  
人間何處菟裘好擬問希夷買睡鄉

閉門終歲澹無求雲雨人情亦可憂斗酒難酬滿車望  
杯羹直結殺身難平生幾緡謾多苦一日百錢姑少休  
山鳥不鳴林影靜卧看蛛網罨蜂螭

夏日飲山亭

借住郊園舊有緣綠陰清晝靜中便空釣意釣魚亦樂  
高枕卧游山自前露引松香來酒盞雨催花氣潤吟箋  
人來每問農桑事攷證床頭種樹篇

午睡

閑中何事不清妍鳥戀花陰伴晝眠窗外雨晴山有暈  
枕邊風息樹無絃面前多放寬平地方寸嚴臨咫尺天  
萬古羲皇有餘意不妨分我百來年

新晴

小雨新晴草色蘇家園生理未全疎埋盆欲學魚千里

試地先栽芋一區時與老農談稼穡不因閑客罷琴書  
乾坤妙處無人會卧看墻陰雀哺雛

醉梨

白雪春香洗未殘玄霜誰遣凍成團漆封圓顆盤增滑  
蜜和濃漿齒避寒綠蟻從今忘病渴金花無地著餘酸  
快人風味依然在莫作尋常軟熟看

送人官浙西

江海十年幾戰酣劫灰飛盡到耕蠶亂離文物想猶在  
凋弊徵科恐未堪眼底興亡即今古骨中形勝欠東南  
因君漸有扁舟興行待清風洗瘴嵐

九日客至

有人車馬訪柴桑怪見寒花滿意黃莫對青山談世事  
試將華髮照滄浪淵明不與白蓮社程子猶憐綠野堂

他日燕南話耆舊此回風味亦難忘

贈趙丈八十詩 伊序

趙丈字澤民金義宗初年應律科中天下第一授商州知法尋除左部檢法遷新息令此  
渡客順天中統初擢為左三部司正致仕景  
州判官為人樂易寡默嘗與先人同應真定  
宣撫司辟召故予以父執事之今年八十餘  
里人好事者榮其壽諸公為賦詩而求予偈焉  
律學專門自可疑更從報施論心期干戈留在三章法  
松菊歸來兩鬢絲再拜通家惟此老百年涉世亦吾師  
平生辦作者英序慚愧曾中壽域碑

九月晦日過鎮州宿趙徵士黃極道菴

慘酷姦訛禍世親翁張無復見真淳藏來龜六終留殼

調中狙三已自壅符藥真能度衰俗漁樵却恐有幽人  
摩挲石刻皆名筆庭下寒花不似春菴取象藏六

寄張之傑

便擬庭闈捧檄過直須隨俗苦揚波一瓢有樂誰云細  
三金無歡亦謾多戰國遺風餘管樂南朝清議尚王何  
見人時樣知吾拙獨誦滄浪太古歌

黃精地黃合釀名以地僊酒

僊家名品對羣我誰信幽人用物多酒面白雲招我在  
杯中華髮奈君何西山秀氣斲欲盡易水寒聲釀亦和  
未望天行望千歲舉觴當和紫陽歌雲卧天行非子散  
議守一處和千二百歲海翁調息箴也

席上分賦二杯首

隴鳥回頭意若何剗腸欲我鑑紅螺微茫山色詩痕在

灑瀨灘聲飲興多聖處已分糟與蟹醉來惟見酒成波  
千年醒殺江魚腹應恨生身向汨羅右螺

希夷尊俎永相忘混沌鑿開見此觴金橘有天容逸老  
青田無地避餘香雲中招飲留仙掌物外尋真得醉鄉  
試向峨眉問啼鳥人間紅雨幾斜陽後蜀紀刘光祿進  
桃核盃云得于華山陳搏邵康節謝人惠希夷尊詩有  
仙掌峯出岫不收希夷去後遂無倚能斟時事高擲手  
善酌人情畧撥頭之句右桃

張氏西園

水府生煙晚更蒼翠陰含雨暗生涼人間豈有赤松子  
天上應無綠野堂一日平原驚客散千年郭隗又臺荒  
誰教老樹夕陽在留與憑欄遣興長

示彩鱗

相思擬話百年情燈火直須幾徹明繼志未論班氏史  
隆師何用鄭公名人門忠孝寧無責學術淵源先有盟  
欲寄君詩仍感泣野夫能有幾門生

除夕

莫道春風室罄懸試看孤影伴頽然浮雲往事空千變  
清鏡明朝又一年頭上無繩繫白日臂中有石補青天  
幾時能了西山約六角黃牛二頃田

秋郊

行過青林徑欲還誰家茅屋在林間雲初湧出半合雨  
風漸吹開微露山吐味嘗來知懶貴物華老盡覺秋閑  
天教勝境為詩敵未許幽人穩閉關

薔薇酒

顏色醅醲茉莉香琉璃到手會須嘗一盃滄海泡成幻

萬古花菴醉有鄉涼冷併收天水碧輕醇猶帶女真黃  
錦囊盡貯春風在別是儂家不老方

服食家有  
餌薔薇法

送董巨濟尋親

花繞東鄰竹馬鞭春隨西舍板輿肩白雲尚在棲邊地  
衫服俄驚喜懼年樵爨定知生處樂兒孫多向老來憐  
阿翁別後還家夢比擬思親恐未偏

賈氏溪堂

澹澹春波遠更宜丘山華屋總成非來今往古年華在  
厚地高天人力微世上紅塵無此客杯中明月有清暉  
燕南盛事君須記曾為東湖盡醉歸

望易京

亂山西下鬱蒼堯還我燕南避世謠天作高秋何索寞  
雲生故壘自飄蕭誰教神器歸羣盜只見金人泣本朝

莫怪風雷有餘怒田疇英烈未全消

七月九日往雄州

秋聲浩蕩動晴雲感慨悲歌氣尚存灑落規模餘顯德  
承平文物記金源生吞華屋今焦土忠孝遺風自一門  
白髮相逢幾人在蒼煙喬木易黃昏

水門菴

池煙林影澹無姿物外高寒兩石磯雲水流行寧有跡  
乾坤俯仰自相依波涵晴景動猶靜鳥戀幽人去復歸  
回首塵緣吾未了靈風且莫故吹衣

答或者以所註孫子見示二首

學術丘農豈盡無規模如此亦區區權書不免增多口  
霸論誰教混一途親手申韓如果有許身管樂未全誣  
千秋萬古中庸在留與橫渠作後圖 邵公武讀書志有

橫渠少年註尉繚子一卷

誰遣歐陽筆有神微詞端不赦堯臣樵夫見笑寧無愧  
童子羞稱亦可人但得躬耕全性命猶勝偏霸在風塵  
藟藟一語宜深聽樓上元龍且莫嗔

溪光亭看雨

萬山齊擁白煙來木杪先聲失怒雷海岳奔崩換毛骨  
乾坤收斂入胚胎龍公所蘊有如此塵世一清何壯哉  
坐看神功空束手文陽華髮對蒼苔

避暑玉溪山

風露撩人儘力清也應知我到禪扃秋聲滿谷有生氣  
山意帶煙成遠形皎月欲升天失色白雲初出樹留青  
他年若訪經行處合有先生避暑亭

飲江漢白

高亭飲興動江山為捲灘聲入坐間糟麴真能釀滄海  
魚龍直恐盡神姦襄流謾說葡萄暖僊國曾分玉液慳  
聞道兵塵埋楚甸一杯誰與洗愁顏

鄉先生漢韓太傅嬰墓

章句區區老益堅百年軀死已無傳四詩今併毛公廢  
三策聊存董相賢祀典曾聞鄉社在荒墳重為里人憐  
絃歌燕趙身誰見高詠周南獨慨然

玉柱雙清香

二氣元從太極分浮雲起滅見來真白虹貫日豪華散  
砥柱中流意象新方寸有靈涵大塊頭顱無物隔蒼旻  
蓋田萬里煙生玉禾辨晴蔥半穗春

心無外跡無間吾  
薰炒銘也

對菊

迂踈不辦一身謀鬢髮空添四海憂畫本流民今復見

詩家逃屋為誰留黃茅安得千間厦白布空歌萬里裘  
政有南風曲中意可能獨醉菊花秋

西湖

水竇深藏十畝煙賣書直欲買魚船數椽破屋已自足  
四海虛名良可憐醉後不知清露下興來擬共白鷗眠  
濂溪謾有當年志老去而今只愛蓮

玉乳峯

亂山如擁欲爭先惟許孤峯入馬鞭舊見劒光曾犯斗  
誰教箭筈亦通天只應絕頂千年石中有齊州九點煙  
安得凌風乘此去東游滄海看桑田

積雨

萬象何為入杳冥懸知物外自高明前年憂旱有今歲  
半月閉門如一生捧日謾勞中夜夢補天誰識寸心誠

陰雲政使高千丈坐受魚頭恐未平

溪光亭小憩

尋涼隨水到溪亭十里綠陰慙鳥聲自惜筋骸恒世故  
豈知風露已秋清白雲似與山爭秀落日放教川盡平  
六月農家猶赤地登臨舒嘯若爲情

都山劉丈九十詩卷

感事還悲負米身此生無復九齡親干戈誰共知年喜  
天地獨全愛日真只擬商顏亦秦土豈期唐水尚堯民  
曾中壽域平生在開卷題詩覺有神

秋夜

已喜山深稱野情每慙無物慰諸生書貪日課不時睡  
雖爲誦聲長早鳴病後端居信張詠靜中未發有延平  
誰知今日絕絃意却恐人間知此聲

閨早

農父看雲淚亦乾靈湫誰信欲生煙萬金良藥汗猶出  
一寸丹心天可掇未便無食思樂土不禁憂國願豐年  
爲占河漢中宵起獨對殘燈理斷編

過徐橋

老岸石欄曙色分只疑身是入山雲十年往事不回頭  
百里清泉如可聞人世誰教有長路坤靈終亦化塵氛  
興亡更遣破塘在幾欲悲歌酒未醺

宿龍宮

擬欲題詩贈白雲且傾濁酒洗塵氛閑將談笑論當世  
却喜稱呼是隱君天柱舊曾分戶帖神林今又有移文  
夜深長缺悲歌罷此曲山靈恐未聞

過東安趙宋先塋

五季風煙慘畫靈渠兒有志亦雄哉累朝禪策皆虛器  
千古黃袍又厲階文物漢唐今已盡史編南北更堪哀  
荒墳一品知何處猶遣石麟草半埋

秋夜

坐困沉思強起行虛庭涼露下無聲為爾寂寂人莫笑  
不肯碌碌君何成萬古興亡天亦老百年身世夜難明  
情知不為學仙去也欲蓬瀛寄此生

洪元宮

明日擬到天城

樹邊平野接晴霞脚底清江走白沙方外道人留客住  
門前塵世倩山遮自慚爛賞無多暇更有行窩第二家  
煙雨兩陂皆古木興來便作上天槎

哭王之才編脩

草草離觴記去年誰知此別是終天傳雖成癖今安用

史未為榮應自憐四坐高談宛猶在一經白髮竟無傳  
交明日與來書少不過西州亦泫然

張仲賢宣慰淮東過子山中臨別贈詩庸見定

交之意云

昨夜相逢終夕話今朝送別百年情世緣盡付冰心在  
官况併隨詩境清此日救焚猶有望他年勇退豈無盟  
知君苦愛希夷老莫厭山深不寄聲

白海青

扶餘玉爪舊曾聞青鳥猶帶海氣昏掌上風標有如此  
眼中神駿更憐君平蕪未洒頭鷓血春水誰開獵騎門  
過應昏鴉回首竊幸高興在空雲

城樓待雨

兩入江樓勢欲吞雷轟何止語難聞未憂彼岸將為壑

只恐吾山盡化雲風伯爲誰能却敵物華依舊歎如焚  
百年人事今如此猛拍欄干怨夕曛

懋謁山寺

石田霜落晚蕭騷一徑禪房亦自高九萬里風安稅駕  
三千世界等秋毫山哀似苦天相暈秋老不禁詩太豪  
西望雙龍有高隱結菴終擬近林臯

唐張忠孝山亭故墓

斷碑藩鎮記當時杯酒談兵少牧之山色何曾間今昔  
人才初不限華夷水波風起心猶壯木杪秋生鬢已知  
莫更候雲臺上望武陽禾黍亦離離

武陽故臺

仁義徒今此舌存轍環初不救紛紛天公欲爲秦漢計  
野色更無燕趙分滿眼兵塵餘故壘一聲樵唱入秋雲

擬乘碣石觀滄海易水東流去不聞


次韻答范陽郭生

默坐誰窺樂境深無絃初不用知音曲肱睡起亦何事  
弄月歸來徒自吟多愧寄書勤訪道未嫌傾蓋即論心  
西山百里平如案欲認東州煙雨侵

登武遂北城

神州英氣鬱高寒臂斷爭教不再連千古傷心有開運  
幾人臨死問幽燕平生卽榻今如此百萬私錢亦可憐  
咫尺白溝已南北區區銅馬爲誰堅

靜修先生文集卷之九



士礼屋藏

靜修先生文集卷之十

七言律詩

定興文廟枯杏復花其尹求詩懋君 懋議

手澤天教擅孳存窮鄉枯朽亦霑恩敢將吾道論榮悴  
且喜甘棠見子孫但使儒林有根柢會看寒谷變春溫  
題詩當作諸公唱百里東州又故園

警相士詩卷

形聲感物即天成善惡因心有相生人事百年隨反覆  
天容一日幾陰晴僕夫茗椀何妨共廝役王門未可輕  
不向警家洲上醉宵中風鑒恐難平

寄彥通

青芻白飯思依然燈火山亭暮雨前不意相思渾百里  
直教一別動經年久甘分席樵夫下敢望過門長者先

自是煙霞愛招客可無佳句助清妍

癸酉大雨次人韻

黑風吹海入天瓢誰信銀河直下朝渾沌只疑還太古  
規模應欲復唐堯衣冠半夜方孤坐塵溷千年共一漂  
且喜開簾見白日不酒隴畝問秋苗

次韻答河間趙君玉見寄

出門紛擾互相侵常使幽人懶病深前月借書來水北  
去年採藥到城陰黃精已倩徐生斲蒼木新教石老尋  
只有煙霞肯賒借無人曾送買山金

次韻答王之才見寄

瀟瀟霜葉打窻疎耿耿寒燈伴獨居鄉議謾評康節僻  
後賢方識子雲書詩成已破三絨戒臂穩因思九折初  
明日相望在何處青山佳處即吾廬

付阿山誦

十畝荒田不自耕半空樓觀幾時成人因遇困方言命  
我爲求竒反喪名此去要知燈是火向來空指鴈爲羹  
新詩銘在山童口百過高歌告乃兄

水北道館

會從氣朗看春朝始信蘭亭水石遙物外壺公能避世  
山中菜父不知堯波間明月隨吾取松上白雲如見招  
曉策重來有成約無妨談易對漁樵

與客會飲野亭

遙岑一碧淡相依野態行雲意共遲多病留侯寧復偉  
長身諸葛但如癡相思千里尊酒盡求嘯一聲山鳥悲  
風袖翩翩此何處青林西北雨來時

晨坐

共笑龕中坐已癡環堂燈火誦聲遲人才興替世所係  
瓶水溫涼天可知老健每因多病後一寒偏怯欲明時  
三年馬隊成何事采菊南山舊有期

野興

得意江山入酒樽乾坤英氣未沉淪莫思世事兼身事  
不薄今人愛古人明月清風無盡藏野花啼鳥一般春  
客來惟說煙霞好只恐先生醉後真

郭太守提舉松江

蔡公聲望動江東應識頭顱肖外翁陵谷初經新化日  
尊鱸不似舊秋風看雲正要志憂計避瘴無如寡欲功  
萬里吳松憑寄語并刀明日試胷中

新秋

俗物何嘗擾病懷憐渠孤憤若爲開人生如此亦安用

野鶴翩然去不回萬古青天留月在幾聲白鴈送秋來  
西城無限峯巒好擬對一峯傾一杯

放歌

莫道人生能幾何金銀宮闕亦無多垂楊流水輕風裏  
碧落銀河暮雨過天地此身真逆旅雲山到處是行窩  
九原喚起堯夫老我舉一杯君試歌

雙清堂遺址

心遠由來地自偏若分心跡已非賢結廬人境元無害  
跨鶴揚州更兩全石頂經龕有隨處山中學館竟何年  
馬頭果要爲初祖擬問西宮借一塵

反垂柳短吟

偃蹇高松雪漫飛最憐憔悴綠揚枝青絲曾識鶯聲軟  
黃葉俄驚馬足遲有分只偷春色早無心要結歲寒知

不應再得東風力更與行人管別離

玉簪

花中冰雪避秋陽月底陰陰鎖暗香玉瘦每憂和露滴  
心清惟恨有絲長且留宛轉圍沉水莫遣聯翩入粉囊  
只許幽人太相似蒼苔踈雨北窗涼

爆栗

山家愛客夜留連奮發驚聞一栗先鑿竅誰言無渾沌  
弄九令喜得天全香甘合用金甌選冷淡那容玉版禪  
回首燕秦幾陵谷眼中繁富竟何年

示有寄

南隣新贈北隣醅莫忘蓮湖舊約臺根祗自宜留故土  
燭中真見有寒灰短長無就相形看消息當從既往推  
遙想西城共登眺水光山色亦悠哉

宿鄉僧致公房

倦客歸來借夕眠偶因相敬識君賢常勤有酒沽陶令  
每愧無衣謝大顛謂暢墨名聊况應論周陰助豈誠然  
平生親切冠巾語欲發還休亦可憐

哭申也

悲來思汝不可置揮淚問予何所悲肯欲出藍今遽爾  
白能受采復誰期粥杯屢進知君篤藥裹親嘗豈我欺  
從此陳編只獨理不堪燈火夜涼時

秋霖

春旱泥倉忍謾傳誰從積雨得豐年麻衣有垢供秋蘇  
土銼無文換曉煙果為松薪禁明月真教斤齒變桑田  
曾中幾許晴霓在四海霖霖獨慨然

贈韓道人

積學輸翁氣稟真  
胸中鵬賦自凌雲  
靈砂換骨知何物  
道籙降心亦謾云  
銅泣露盤經幾見  
鶴言華表竟誰聞  
風流大父承平事  
賴有當年李少君

海南鳥

越鳥羣飛朔漠濱  
氣機千古見真純  
紇干風景今如此  
故國園林亦暮春  
精衛有情銜大華  
杜鵑無血到天津  
聲聲解墮金銅淚  
未信吳兒是木人

贈司馬道士

仙界清涼亦陸沉  
風流儒素渺難尋  
白雲自解留佳客  
青嶂端能燦壯心  
知己未論鵬鳥賦  
移人先聽水仙琴  
野人近有南來興  
乞我蒼前十畝陰

春日游山

川氣迎晴澹作春  
泉聲招客浩如神  
隨時俯仰有魚鳥

乘興往來無主賓  
碧水白鷗心共往  
浮雲蒼狗態誰真  
平生經濟程夫子  
年少看山意已親  
不是吾儒本經濟  
等閒爭肯出山來  
明道少作

會飲北山

相逢相飲莫相違  
往事紛紛何足悲  
別後幾經滄海變  
歸來豈止昔人非  
此山變滅終如我  
後會登臨知與誰  
今古區區等如此  
不須辛苦嘆斜暉

次韻答趙君玉

萬古西山翠不收  
一菴分在白雲頭  
開軒招月澹相對  
倚杖聽泉清可收  
已喜凌空有高興  
豈知臥病阻同游  
南湖燈火十年夢  
舊好何時得重修  
來詩有升嵩萬壑  
春風動安得凌空訪靜修之句故及之

登中山北城

黃金一夕冷如鎖，劉項蕭然恐未真。世事惡盈應有數，  
天心撥亂豈無人。陵遷谷變橫流地，郊復巢傾死節臣。  
毛髮諸孫生氣在，九原精爽稟猶新。子曾伯祖奉議府  
君貞祐初死節中山而降沒焉

題贈鄒道人詩卷

開卷煙霞著，真人紫芝瑤。草一方傳法，筵古禮存三代。  
野服遺風見一痕，唐水堯山猶樂國。葛洪張果有仙村，  
何時輦母東隣子。老婦烹茶自應門。

暮春山游

萬山傍繞翠爭新，兩澗平分月有隣。木杪柴關如看畫，  
松陰苔徑欲凝塵。浮雲柳絮人間世，流水桃花物外春。  
杯酒狂歌極浩蕩，野煙晴樹望中勻。

新曆

山家曆日年年有，林鳥園花報四時。建戌預求尋藥月，  
逢辰要及種瓜期。宵中堯典二三策，夢裏幽風第一詩。  
餘韻千年宛如在，晴窓捲卷不勝悲。

千戶喬侯挽卷

拱木秋聲尚窸然，平生鄉國愧幽燕。千家聚落郎山砦，  
四海牢籠勅勒天。龍虎風雲空一第，關河形勢託當年。  
重侯累將應須念，創立艱難亦可憐。

宿華陽臺

石徑盤盤擁亂霞，雲間雞犬是誰家。空山月出人境失，  
高樹露涼秋氣加。蜀道青天休種杞，武陵流水謾尋花。  
太行東北三千里，盡借晴嵐染鬢華。

飲聞雞臺

出門人事厭紛紛，春色三分已二分。十步離山九回顧，

一杯到手百無聞，蒼茫天地有如此。磊落古今何獨君，欲向荒臺問遺跡。水明沙浦只行雲。

留題山房

靈風縹緲竹花飛，怪石參差樹影齊。壺裏有天藏日月，杯中無海飲虹蜺。松生天古鶴應識，路入白雲山盡低。萬里黃塵一回首，微茫煙水意悽迷。

西山雅會

山色舊無今日濃，雅期新得與君同。曾懷靈月十年後，樽俎春風一月中。靜裏乾坤無彼此，眼前花柳各青紅。高情久已忘琴瑟，誰管殘陽送去鴻。

次韻閔雨

已酉凶豐不偶然，今年千里土生煙。夢游樂國每嫌覺，望見僊雲猶酷憐。必竟蛟龍思得雨，何勞蟣蝨護呼天。

山人萬慮消磨盡，惟有憂農阻靜便。

宿趙山人房有懷

書劍南游氣吐蜺，歸來華髮首難低。江山應識千年鶴，豪傑空慙半夜雞。物外有天藏太古，人間何地種丹萸。相思日暮一杯酒，望斷碧雲何處棲。

有懷

百年身世付秋毫，萬里雲霄有羽毛。樓上詩成山欲動，眼中人去氣誰豪。雀巢自可兄呼石，樵悴直須僕命騷。樽酒論文復何日，西風迢遞暮鴻高。

樓上

樓觀參差接大荒，五雲分我白雲鄉。卧之地上太行小，來自帝傍春夢長。顯露明河氣蕭瑟，黃塵落日煙蒼茫。清風簾外問何容，玄鶴飛鳴天一方。

白溝

寶符藏山自可攻兒孫誰是出羣雄幽燕不照中天月  
豐沛空歌海內風趙晉元無四方志澶淵堪笑百年功  
白溝移向江淮去止罪宣和恐未平

何太夫人生日

夜夜東隣有香火高門因得百年心蟠桃結實世誰見  
隆棟駭人根自深經卷病餘猶早起絲車老去亦親臨  
父知吾友閑居意惟願慈顏事不侵

次韻劉尚書

尊號禮成

萬姓瞻天仰泰階老人星見五雲開混同直擬千年論  
積累元從百世來含哺豈能逃帝力有根無不待春雷  
舉頭日近長安遠葵藿傾心即壽杯

貧士

貧士出門多掣肘聞君幾次謾徘徊不思學館三年舊  
肯爲山翁百里來父倚通家畧賓主新知不飲罷尊罍  
殷勤莫厭通宵語聽說天明即欲迴

故人見訪山中

客子畏人常簡出病來庭戶益荒蕪多時畧闕通書問  
遠路遙慙送藥須掃地預占燈燼喜敲門遙認草亭孤  
故人知我無依給故著看山慰野夫

涑陽李丈九十壽

九十餘年何限事向人惟指鬢毛霜偶因飲酒驚遲醉  
不信看書託健忘還拜嘖扶緣敬客近游多步爲居鄉  
自慚犢子顛狂在廿故艱難未備嘗

登高有感

踈煙晴曉散輕寒秋色滿林霜氣閉今古消沉幾白日

乾坤灑落一青山半生心苦頭先老兩頰墳荒淚未還  
瞬息西風解千里憑高聊為送餘潯

送人官吳中

天徹藩籬要混通古來佳麗數吳中送君如對秋風起  
恨我不隨江水東五瘴可防鄉土異孤雲須念母心同  
畫圖留取風煙看莫趁并刀一剪空

孫沁州哀挽

驚看哀誄為君傷一面十年不易忘秦府舊稱天下選  
燕人元有北方強平生豪氣餘丘土寤寐神交只月梁  
聞說條陳有遺草承家洗眼看髯郎

靜修先生文集卷十

靜修先生文集卷之十一

五言絕句

明珠穴二首

珠從何處來秀與天地生涵蘊幾千古得此風雷聲  
山從何時裂珠去誰當還餘光爛猶在照我方寸間

滴水龕

廣寸遍天下至靜涵氤氲因看石滴水窺見未生雲

石潭

清不見羣魚暗不藏毒怪艷物得吾師終日欲相對

春日

游絲困無力欲起重愁揚芳草落花滿相思春晝長

慎獨

一葉下秋水微波去不停望中猶隱隱直欲到滄溟

毀譽

子賤波及魯挈牛不累駢寸心仁厚馭萬物自生成

偶書

意當極快處心有不平時少忍容無害欲言當再思

夢中作

溪童望水滴日夜愁不已雖非鷗鷺身亦有相關意

觀化

風雨何方來呼童出門望歸報是羣蜂聲在庭花上

四皓圖

雖戀紫芝美難忘帝力深驅馳恨臣老高尚豈初心

石鼎齋句圖

玩世如一鼎姓名誰得聞仙翁應自笑知我有鄙忻

白樂天琵琶行圖

冀馬嘶寒風逐臣念鄉國江浦聞哀絃長吟望西北

百蝶圖

芳蝶具百種幽花散紅翠道人觀物心一一見春意

子期聽琴圖

琴瑟自吾事何求人賞音絕絃真俗論不是古人心

夢題村舍壁上已卯正月三日

村居有何樂所樂人真淳回看城市中居此勝買鄰

村居雜詩五首

隣翁走相報隔籬呼我起數日不見山今朝翠如洗

黃昏雨氣濃喜色涵南畝誰知一夜風吹放門前柳

獨立偶懷古臨風還自傷一聲樵唱起回首暮山蒼

前樹題詩句畫沙知酒籌他年成故事蕭散更風流

芳茵皆可藉緩步即吾車乘興三杯酒隨行一策書

屏上草蟲

四首

螳螂

逢物即能產其滋乃爾蕃不知何所積擬欲問乾坤

蝸牛

背上穹廬好問蟲誰汝施始知天地內棟宇匪人爲

螻蛄

後利前還還海陰陽體段分不須觀兔尾即此見義文

蝨斯

陽施陰專受精醇物始真蟲魚寧解此聊用比振振

飲山亭

雜花卉八首

牡丹

世變日以文花卉亦應爾懸知太古時其美未如此

芍藥

宜致美人贈服之良有功分形雖異種氣類暗相通

薔薇

色染女真黃露對天水碧花間日月長朝暮閱兩國

萱草

丹鳳忽飛來喜色滿朝露何以稱此花白頭戲嬰孺

夜合

消忘緣無毒合昏如識時葦絃千古意百繞惜芳枝

醉醪

勿剪架上花不是畏多刺得陰難忘枝曾向花陰醉

木槿

已折暮雖落未榮朝又花生生如道體堪玩不堪嗔

蜀葵

且勿論傾陽色香尤可喜人情輕所多共愛姚黃美

看雪

雪花不擇地隨風恣飄蕩數片如有情飛落梅梢上

絕句

溪童出門望鷓鴣滿空下江水灌無情盡是忘機者

出花

下石綠珠并交面昭君村坐令宜花地亦復愁移根

商方爵

商爵既云古那堪形更音不宜燕市酒雅稱野夫詩

盆池

有月湛秋影無風生小波澄心一相對今夜興如何

偶書二首

纍纍山下塚渺渺嶺頭雲歲晚不歸去笙鶴應望君

昨日宋人苗今日牛山木寄語芒芒人管取牛羊牧

箕盤

不作甕商舞林停餅氏歌執壽仍敲篋辛苦欲如何

呂洞賓畫像

微茫洞庭曉蕭灑崑崙秋海蟾生碧天相從何處游

鴈圖

夢回煙水寒鴻鴈驚不起道人心久閑相忘有如此

史處士挽章

平昔未相識幾回曾寄聲今朝聞謝世便有故人情

飲山亭獨坐

野性靜成癖幽居懶似高青山卧床下初不厭人豪

愛玩不能去山晴雲卷舒敲門者誰子聊復忍斯須

偶成

夢回聞雨聲忽覺是風葉問子何以知仰見梁間月

溪橋步月圖

山中有幽人獨步溪橋月莫問與如何披圖亦清絕

題山水巖頭二首內一首六言

山近雨難暗樓高秋易寒憑誰暮雲表  
添我倚欄干  
兩山環合一水中有老木參天不著幽人草閣誰收無限風煙

靜修先生文集卷之十一

靜修先生文集卷之十一

七言絕句

臘盡

小雪初晴臘盡時無窮梅柳怨開遲  
人間不覺春來早  
只有吾家布被知

讀史評

記錄紛紛已失真語言輕重在詞臣  
若將字字論心術  
恐有無邊受屈人

試筆二首

得意好花開易落惱人芳草燒還生  
亂多治少君知否  
陰偶陽竒理自明

眼花不見羲之俗口快爭言杜甫村  
我欲鑿山藏此筆  
高情千古約重論

山中客夜

鞍馬南州五日程，豈知物外有茅亭。  
塵埃暑困人如醉，月露夜涼天亦醒。

抱陽南軒

下瞰懸崖老木稠，輕風毛髮散涼秋。  
蒼苔白石夢初覺，霽月踈雲天欲流。

喜雨書事六首

拍手兒童笑不休，笑君前日爲誰憂。  
天公自有甘霖在，未管渠侬浪白頭。

一笑黃河一度清，自緣無物盡歡情。  
今朝久旱雨三尺，消得山人酒滿傾。

坐占庭蟻戰餘酣，一飽無功益自慙。  
但見人人厭梁肉，野夫方覺薺苗甘。

雨晴物物自生春，喜氣浮空似有紋。  
吾亦乾坤物中一，相看草樹共欣欣。

爲驗陰晴看漏星，要知疎密候簷聲。  
夜來還却當時睡，不脫蓑衣直到明。

前日南湖枕白雲，蛙聲每厭靜中聞。  
今朝便覺笙歌上，爲是多年不聽君。

九日九飲

九首 擬橫渠元日十詠體

一飲君聽第一歌，誰從此際見天和。  
醉鄉開物工夫密，春意空濛尚未多。

二飲重賔第二歌，春風毛髮欲婆娑。  
寸心又到欣然處，莫怪山人語漸多。

三飲山人笑且歌，羲皇相去已無多。  
舉杯爲向諸君道，自此先陰柰樂何。

四飲須聽第四歌山人未醉覺顏酡囑君輕摘黃花露  
滴向杯心生小波

五飲初喧四座歌黃花滿意入紅螺人間此樂知無復

魚鳥聞聲亦泰和

六飲相將醉境過令巖斟淺欲如何秋香正滿黃花萼

宜與南山細拊摩

七飲人驚飲量多兒童休唱接離歌青天一帽千年在

只恐西風不奈何

八飲人驚飲量過劇談不記竟云何杯中正有春風在

無奈蕭蕭落葉多

九飲蒼巖藉碧藂江山搖落奈吾何乾坤閉物胚胎密

中有山人第九歌

山行

西崦人家竹映溪山深雨暗到來遲行窮谷口水才見  
流盡巖花春不知

銅雀瓦硯

諸侯負漢已堪憐直筆何為亦魏編却愛曹瞞臺上瓦

至今猶屬建安年

春曉

要看東風氣象新登臨何處不尋春今朝煙雨細如霧

生意空濛畫得真

以杖畫雪偶成

玉華銀色浩無瑕方寸居然得故家雲重風輕晴不快

暮寒覺比曉來加

仙人圖三首

千古誰傳海上山坐令人主厭塵寰蓬萊果有神仙在

應悔虛名落世間

雲海蒼茫去復還人間此日是何年平生慣見秋風客

只許分陽會宵然

張望皇墳寂寞中何從事跡得崢嶸可憐千古稱黃老

誰識當年立極功

春暮

病餘身世澹無情但覺春來暖漸生送客出門花已謝

問知昨日是清明

講學而首章二首

有樂如從天外來春風過處百花開政教萬木夜殫立

何害孤根暖獨迴

人將知我亦何從天在吾家度量中此語誤人君勿信

我心無慍本冲融

講八佾首章一首

以刃傷肌手自危割餘痛切不勝悲心同義理元無間

彼此俱看未忍時

生意條然不遂春根株盤曲欲輪困向前枝葉頑然了

自此乾坤屬不仁

講周而不比章

義理胷中好惡真初非由己與由人混然生意流行在

惟有枯荻不受春

講人之生也直章

朝綱一紊國風沉人道方乖鬼境侵生理本直宜細玩

著龜千古在人心

驕吝

昨日深山興未闌今朝二女共高寒施施便解驕妻妾

乞態當從此際看

講求仁得仁章二首

山下食薇老興便荆南採藥此心全乾坤月慘煙愁外  
留我義皇萬古天  
荆棘埋香死不禁清泉芳徑愜幽尋移花旋看新生意  
方識西山忍餓心

一元

萬古堂堂共一元欲於何處覓天根試從開閉中間看  
始覺乾元獨自尊

開物之後有亥開物之前有丑惟子會正在開閉之中其意象可玩

雲擁閉門儘未除小齋人道似禪居年來日曆無多事  
只有求方與借書

萬事休關百病身書囊藥畏敢相親年來愛與漁樵話

恐有無心失位人

今月

今月柴關幾客來擬從筴曲數莓苔求文道士花前至  
載酒門生雨後廻

採栢圖

翠袖重將栢子薰一般心苦為思君思君不為山中苦  
為說山中有白雲

採藥

黃精著兩宜深斲栢子經霜可爛收莫道幽人渾懶散  
一年忙處是深秋

堯民圖四首

分得堯天一握多百年安樂邵家窩情知弄月吟風手  
不扣南山白石歌

風氣初開理漸融畫圖猶見帝無功意長世短成何事  
誰及乾坤再日中  
平生喜作許東隣百過摩挲畫本昏聞說詩人多感慨  
且休持送鄭監門  
臯夔遺像凜猶存更比凌煙意氣真但使尊前有如此  
不慚只作許東隣

黜風圖

畫裏春風在眼前詩中雅意若為傳憑誰更譜絃歌了  
細味周家八百年  
惟願將身入畫中野人何敢夢周公一區共買橫渠上  
儘有新詩續正風  
採詩千古要觀風十室誰言九室空寄語當年長樂老  
回頭無忘聶夷中

觀梅有感

東風吹落戰塵沙夢想西湖剡士家只恐江南春意減  
此心元不為梅花

山家

馬蹄踏水亂明霞醉袖迎風受落花怪見溪童出門望  
鵲聲先我到山家

溪上

坐久蒼苔如見侵攜筇隨水就輕陰松風似厭灘聲小  
雲影旋移山色深

偶書

蜜割舊脾花又發泥生新雨燕方還一瓢有分吾自足  
萬物勞生誰獨閑

西郊

偶因訪客出西城一色寒蕪滿意平行過溪橋嘗脚力  
招來野老問山名

夏日

庭戶無人綠滿苔巡簷繞砌菜花開酒醒夢覺日將午  
蜂學遠山風雨來

早秋

昨朝一葉見秋生今日千巖萬壑清欲借西風蘇病骨  
暫來石上聽松聲

春盡

草閣垂簾晝掩寐客來如我出門稀鳥鳴澹與人相對  
花落方知春已歸

寒食道中

簪花楚楚歸寧女荷錦紛紛上塚人萬古人心生意在

又隨桃李一番春

行藥有感

未言先歎少知者有害每憂無可人偶到階前見芳草  
乾坤何物不歸春

故園寒食

清明酒熟老人醉拜掃歸來壯士耕此是吾家舊寒食  
只今惟有故鄉情

山家

孟氏養親惟小園重生有吏索租錢留詩自愧非韓杜  
聊記林宗識子賢

宿山寺

四面雲山消百憂一方禪榻有真游月明夢覺不知夜  
雨過風生渾是秋

感事

高天厚地古今同共在人形視息中四海堂堂皆漢土  
誰知流淚在金銅

發園

路傍雙石立崔嵬曾見游人幾往來想得當年全盛日  
好山橫處盡樓臺

記夢

眼中天變暗星文脚底雷轟震寢門領取天公仁愛意  
此心存處更存存

己卯九月廿八日夢過先妣墓得詩覺而忘其

第三句因足成之

只應老母心酸處還似孤兒淚盡時留在此身成底事  
回頭二十四年悲先母下世今二十四年矣

己卯元日二首

西湖泣血夜將分感激無如此念真四十頭顱今日數  
悠悠歲月屬何人

文廟秋風默坐時慨然千古入沉思許身尚省初心在  
道德而今竟似誰

庚辰元日二首

九齡風骨渺翩翩解道沉河觸泰山還使當年見今日  
也應拍手笑癡頑

曾記西湖酒一卮乾坤和氣入新詞六年未盡冰霜怨  
又到春風滿面時乙亥所作元日詞有春恩花柳消盡冰霜怨之句

下山三首

峻嶺重岡儘意登要收風景入高明下山却向山頭望  
始覺從前險處行

翠霞騰暈紫成堆收拾雲煙酒一杯想見浮嵐在眉宇  
人人知道看山迴

十載煙霞望我深豈期今日恣登臨此行知有詩多少  
還盡山靈未了心

戲判游小詩卷二首

不解煙霞調戲君強將詩思與山親苦吟共道西游樂

林鳥巖花忍笑人

心境無邊萬象新直須泉石離風塵區區等爲紛華役  
未分膏肓是達人

登高有法莫相誣絕壑懸崖不信渠十步回頭五步坐  
窻間眉黛笑君愚

漫記七首

夢覺關頭夢已空此時方識樂無窮便將富貴浮雲比

恐落華歆一擲中

醉知避客猶存禮死不忘骸尚有身一自坡仙生一轉

浮虛十倍晉朝人

披謂劉伶豈知忘死未忘骸謂淵明醉中對客眠何害

安樂名窩有眞賞打乖非是要安身坡仙便道學啞啞

負殺園中獨樂人

打乖非是要安身道大方能混世塵

非人明道故樂高持也附掌笑先生年來學啞啞東坡獨樂園詩也

天幕高懸兩部蛙水光山色照黃家忘情未便眞忘得

憶竹栽蘆強自誇

我自無行便是藏更將何物嬰髡光東臯幸有牛溪在

却向長安說醉鄉

百錢破釜發長歎一局贏棋爲解頰擾擾自無安脚處

幾人打透利名關

透得利名關便是小

應物何嘗累我真禪家怖死強忘身昨朝一讀雍行錄

却笑當年墮甌人

草亭睡起

萬里乾坤一草亭澹然相對靜儀刑釀成碧酒客難得  
生出白雲山更青

寒食出郭

衣冠不似逸人高容貌初無達士驕醉裏騎牛過山北  
傍人不信是漁樵

即事

曬罷空庭藥裹收閉門無睡却梳頭過雲幾點黃昏雨  
分與蟲聲半霎秋

靜修先生文集卷之十二

靜修先生文集卷之十三

七言絕句

冬曉

歲寒心事在蒲團清曉開簾試一觀木稼乍迎紅日影  
依稀學似杏花殘

可菴

莫道無衣不可身更從裘葛辨冬春惡惡不可惡惡可  
等秤無星恐誤人

許由棄瓢圖一首

人間極目盡洪波誰引南風入浩歌兩耳區區無著處  
一瓢孰與萬機多

堯天萬古大無鄰何地容君作外臣莫占箕山最深處  
後來恐有避秦人

癸酉書事

嬌兒索粟一錢空怪見家人不忍中我不怨天貧賤我  
吾兒自合享吾窮

米元章雲煙疊嶂圖二首

筆勢或傳是阿章短屏山影露微注苦心只辦雲煙好  
不救人呼作米狂

煙影天機滅沒邊誰從毫末出清妍畫家也有清談弊  
到處南華一啞然

宋理宗南樓風月橫披二首

試聽陰山勒勒歌朔風悲壯動山河南樓煙月無多景  
緩步微吟奈爾何

物理興衰不可常每從氣韻見文章誰知萬古中天月  
只辦南樓一夜涼

理宗自題絕句其上有併作南樓一

夜涼之句才到中天萬國明宋太祖月詩也

題枯木怪石圖

物有常形最奈看看時容易畫時難奇峰怪木驚人眼  
誰信丹青解熱謾

探春

道邊殘雪護頽墻外柔條露淺黃春意雖微已堪惜  
輕寒休込柳梢傍

酬寫真者

自覺形骸已枯槁何從眉宇尚豪英知君慣畫麒麟像  
乍寫山翁似手生

夢中題吟風亭壁

方榮不拆寒爲虐已謝重開兩借思一種是花元一異  
多由天氣少由根

題秋景翁頭

嵐光蒼翠山遠近木葉青黃霜重輕萬里晴秋天著色  
不曾慘淡入經營

月下

桂華涼冷澗風襲瀨露一天秋意閑不記醉中呼李白  
傍人笑道是人間

金太子允恭墨竹二首

墨竹猶堪驗一班金源文物見當年博山煙暖春闈靜  
却笑承乾嗜好偏

手澤明昌秘閣收當年緹襲爲誰留露盤流盡金人淚  
應恨翔鸞不解愁

游飲山亭二首

十年種木望成陰及至成陰礙山色幾欲斫去心所憐

安得高臺數千尺

山翁一去不復返亭下幽花空自開慚愧茅簷雙燕子  
飛鳴猶喜故人來

宿山村

石邊流水自縈紆樹杪閑雲恣卷舒長怪西山無爽氣  
只應少我一茅廬

里社圖二首

賦薄徭輕復有秋天恩帝力爲誰優老益醉殺村夫子  
盡道今年好社頭

亂後疲民氣未蘇荒煙破屋半榛蕪平生心事羲皇上

回首相看是畫圖

曾點翁頭

晉楚英雄管晏才當時真眼向誰開狂生攜著曾兒子

獨向舞雩風下來  
獨向舞雩風下來坐忘門外欲生苔  
歸時過著顏家巷  
說與城南花正開

燕居圖

伊川門外雪盈尺  
茂叔窓前草不除  
共識唐虞垂拱意  
春風元在仲尼居

理西齋成

朔風裂地雪漫空  
辨向西齋作蟄蟲  
有客敲門憑寄語  
高談方對紫陽翁

幽人圖二首

無媒徑路草瀟瀟  
山鬼脩篁夢轉遙  
手撚幽香意何遠  
為誰終日面岩堯

澗響無心和  
考槃雲容有意近  
長安野猿窺破中宵夢

却恐山靈不易謾

郭氏家山圖

鹿門煙影接隆中  
翁媪通家社酒紅  
只有山童最神駿  
舊曾床下拜龐公

書李渤聯德高蹈圖五首

方寸無窮瞰瞰天  
豈惟毛髮要歸全  
臨終一聽曾元語  
愈嘆黔婁有婦賢

天意行藏我自知  
區區猿鶴亦何爲  
室無萊婦君休恨  
免使狂歌誚仲尼

江湖魏闕有心期  
莫怪先生起太遲  
寄謝移書韓博士  
山妻元不解啼飢

諸生課罷弄煙霞  
紡績乘閒爲煮茶  
白鹿高風有誰繼  
草堂貧女晦菴家

萬里江鷗不易馴百年我愛隱居秦歸來匹婦休相笑  
老眼真能混世塵

秋山平遠圖

南山千古一悠然誤落關仝筆意邊急著新詩欲收領  
已從慘淡失天全

郭熙山水卷

巖姿秋意淡無弦煙影天機滅沒邊更著山翁掩書坐  
只應人境兩備然

憶飲山亭

但得酒同張野飲猶勝事對阮生論他年乞我園亭住  
便喚西疇下濮村

晝睡

世事悠悠莫漫驚直消鼻息幾雷鳴高松似會幽人意

也學鞦韆枕上聲

客來

老懶相逢口倦開山城無酒慰徘徊家僮使慣知人意  
豫設棋枰待客來

啼鳥

幾日春陰幾日晴喚來山鳥話平生杜鵑解道淵明語  
只少鷓鴣相和鳴

郝生知林州

到處雲山是我詩不愁無物慰相思只從隆慮煙霞色  
領取幽人笑傲姿

謝處士載月圖

扁舟西子五湖過謝客西風兩鬢皤一種清江明月底  
憑君試問夜如何

送琴客還池州 五首

江左衣冠自昔聞，紫陽遺學竟誰真。抱琴爲向山中聽，林下寒棲恐有人。

謫僊曾次九芙蓉，又落人間劫火中。浦思山哀天不管，爲絃吾曲和松風。

過手春風不見痕，曲中悲壯宛猶聞。明朝無限空山夜，月白風清覺少君。

人物翩翩美少年，不應心事只揮絃。書中明理琴中趣，更有歸鴻目外天。

日暮江東有所思，未須千里寄吾詩。但看西北浮雲盡，是我倚樓闌望時。

早起

飢鼠號多似訴愁，破囊空慣已無羞。閑來點檢幽居事，

鶉鴉聲中又一秋。

大暑絕句

青天只恐還鍊石，白日何曾赦覆盆。未挽銀河下塵世，欲攜赤縣上崑崙。

偶書

車輪有角世無用，馬足若方人可尋。萬沼千池隨分在，只除明月解同心。

山泉

寒溜泠泠爾許清，米狂誤拜石爲兄。拔山卷地今誰手，夜夜南窗聽此聲。

即事

雲白天青浩不收，雨晴山色欲無秋。淡煙衰草關何事，落日江波空自愁。

睡起

晚醉城南不記回，虛簷高枕藉蒼苔。酒醒涼意瀟瀟在，應是前山送雨來。

田孝子詩卷

比屋春風夢寐前，門閭旌孝見今年。山林未覺渾無望，試手田家第一篇。

朱孝子割股詩卷二首

救本戕肢亦可憐，粉身爭志欲崩天。詩書明日良心在，應對瘡痕一泫然。

便律韓文恐太偏，狂童十歲亦堪憐。偶從德色獲鋤看，重爲朱郎賦此篇。

鼓城龍湫

池龍聞說卧南州，一禱曾分一郡憂。四海蒼生望霖雨，

千年誰更傳巖求

讀史

中才隨世就功名，恰似焦桐爨下鳴。到底中郎惟兩耳，人間多少不平聲。

偶書

平生積學連城壁，萬古虛名衆口金。午睡覺來門巷靜，雨晴風細鷓鴣鳴。

雲山晚景圖

天機濃淡出巖姿，夢境風雲入壯思。畫裏青山照白髮，行藏渾似倚樓時。

書田舍壁

里胥初過期無事，營幕遲來望有年。隣舍借醅留客宿，土床分席枕瓜眠。

煮茶

細聲蚯蚓發銀瓶已覺春雷齒頰生舉似玉川應有語  
無絃琴亦是沽名

龜蓮圖

龜約蓮香上翠盤四靈長向畫中看題詩記我千年恨  
風月無聲洛水寒

祖愚菴家藏畫冊二首

敗荷野鴨

畫裏瀟湘自要秋詩家野鴨謾多愁試看翠減紅銷處  
好稱江清月冷舟

風柳牧牛

遠意升平畫不勝牛邊煙樹渺層層前頭恐有桃林路  
百喚溪童不解應

讀史漫記

眼底權姦漢室空伯喈文舉亦才雄王畿廟號關何事  
却在區區論建中

梅雀翦頭

月影波光澹有春秋風草草最愁人憑君欲寄調羹信  
恐被枝頭東雀嗔

春雲出谷橫披

筆底天機幾許深雲容直欲見無心苦心只許詩人會  
不為題詩亦未尋

見梅

朔漠梅花到眼中一枝無限是春風江湖煙雨二千里  
誰識乾坤造化工

狂生

放曠無端更自神豪誇欺世語誰真如何老阮無情甚  
不願兒郎作大人

名吾山亭

平生心事與山親不忍稱呼作此君亭自屬君山屬我  
四時風景要平分

宿洪崖觀

雲山不受壯心降無限西風撼客窻應是夜深知月出  
却收風雨入清江

絕句

今朝客爲求文至昨日隣嫌借米移木枕質錢多舊帖  
看囊不必要新詩

北窻看雪

背山樓起人呼俗踏雪詩成奴罵狂不俗不狂高枕上

爛銀堆裏數峯蒼


秋煙疊嶂圖

不傳者死不亡存滅沒天機尚有痕曾向煙霧見真態  
依然猶是畫家魂

次人韻二首

花落歸根恐未真又從碩果強尋春玄都觀裏桃千樹  
誰是前身與後身  
桃花結子更生孫千樹玄都作好春若遇禪家說生死  
桃根拈與鬢頭新

靜修先生文集卷之十三



靜修先生文集卷之十四

七言絕句

書事 五首

當年一線魏瓠穿直到橫流破國年  
草滿金陵誰種下

天津橋畔聽啼鶯

卽榻而今又屬誰江南回首見旌旗  
路人遙指降王道

好似周家七歲兒

朱張遺學有經綸不是清談誤世人  
白首歸來會同館

儒冠爭看宋師臣

風節南朝苦不伸汴流直要到崑崙  
世宗一死千年欠

此是黃河最上源

唱徹芙蓉花正開新聲又聽採茶哀  
秋風葉落踏歌起

已覺江南席卷來

登樓絕句

倚遍欄干十二樓，卷舒風景入兵籌。南山自古為勳敵，秋色終當讓一頭。

雪嶺遇雨

天為西游餉我晴，野花林鳥效平生。今朝雪嶺初逢雨，應是郎山戴帽迎。土人謠云郎山戴帽十日無道。

寫真詩卷三首

龍祠嶽廟盡冠巾，雨露何關土木身。不是二程窮物理，

誰從一髮辨天真。

彼此相懸一髮邊，聖賢廟貌幾千年。周郊自有園丘在，

莫道金人便是天。

共說雲雷起畫龍，聲容誰道影堂空。含糊若信俗儒論，

已落三家僭禮中。

漫題

乾坤未覺化機停，世態能逃醉裏醒。共見白雲又蒼狗，豈知螺贏即螟蛉。

顏曾二首

陽光浩蕩斂秋容，陰景深沉暖漸融。萬古顏曾留意象，

剪冰成雪舊知冰。搏雪成冰見未曾，到底春風同一貫。

要從此地識顏曾。顏愚德曾曾曾曾

雜詩五首

老兔離雞自有春，冰壺澈底照來真。驢鳴必竟渠皆聽，

解識天機得幾人。水花庭草思悠然，風月濂溪有正傳。二十四年程主簿，

已知隨柳過前川。

天教觀物作閒人不是偷安故隱淪要識邵家風月興  
一般花鳥華山春

寒氣常侵一半春詩家道體說來真不教曉入雄雞口  
誰喚南窓打睡人

湯鼎石壇老眼觀陰陽誰見屈中伸年來併識顏家樂  
十月天教薺麥春

梁甫吟

功名且就漢庭多比竟曹瞞累我何汶上千年英氣在  
有人梁甫正高歌

偶讀漫記

恍惚天光散亂風向前一蹴是虛空麒麟正要黃金鎖  
收入箬瓢博約中

真樂攻心不奈何南華風景偶經過憐君日暮不歸去

直到倚門猶自歌

道境

道境相看滿面春平生心事數來真南山正在悠然處  
未肯回頭錯應人

感興七首

江山心境儘風神弧矢襟期記此身說與求田田舍叟  
遨遊何必故鄉春

優游千古禍成胎冷雨踈煙撥不開却喜夷吾成霸業  
又思漢武亦英材

天理胷中霧欲流黃浮眉宇酒浮甕生香似見花交樹  
引得游蜂舞不休

霜落江湖水太清巖巖山色欲秋爭爭如一覺南窓睡  
門外春風草自榮

功名藉口爲蒼生唐漢英風未易輕千載興亡舒卷了  
區區勲業亦何成

斷簡殘編絕賞音誰從百鍊見真金龍門千古遺歌後

更覺良工獨苦心

按劍無人誅武后斲棺終恨貸朱梁一杯爽氣迎秋隼

何處雲山是致堂

畫猿

萬古空山只月明畫中依約曉猿鳴幽人未去須深聽

一出世間無此聲

山行遇雨

無邊暮雨暗前山天意人情豈偶然衡岳自能哀吏部

嵩高元不識伊川

華山圖

水墨驚看太華蒼夢中十載果難忘三峰雖乞希夷了

應許劉郎典睡鄉

邯鄲歌枕圖

不見當年夢虎公無端幻術眩愚聾區區政有僊丸異

未便壺中勝枕中

天命

天命無私義理公此身承奉有餘恭人心可信難盡合

親令何由敢勇從

夜坐即席分賦燈花瓶聲二首

眉間正有喜千文眼底才消燈一花我自無憂安得喜

不須開向野人家

萬丈潮頭落晚江一瓶收拾入秋窻宮商不在人間世

鼻息雷鳴未肯降

霜落

霜落清江一葉秋，覺來明月滿江樓。酒醒人散夜將半，花上烏啼空自愁。

山寺早起

松窻一夜遠潮生，斷送幽人睡失明。夢覺不知春已去，半簾紅雨落無聲。

落花

光景花中自一天，精神楚楚照芳筵。朝開暮落君休笑，還似人間幾百年。

答友人見寄

兩首新詩寄草堂，一詩曾許卜隣牆。白雲已領歸來約，只恐山靈不解忘。

中山道中

不許花開一日先，征鞍過處及芳妍。只應春隨山翁出，野杏溪桃帳望邊。

次人望雨韻

五月良田種不成，蓬蒿無雨亦青青。袖中準有天瓢在，自是今年夢易醒。

李伯時馬

足不能行氣自馳，天機深處幾人知。世間無物能形此，除我南窻兀坐時。

中秋無月

鎮日晴明此夜陰，如何天意異人心。一聲長嘯浮雲盡，快意金杯莫淺斟。

答問目執其兩端章

不是黃河且勿論，只從河水覓通津。西至崑崙東至海，

從頭一一認來真

高卧圖

萬里青山卧平地世間何物是元龍無人語與劉玄德  
君在青山第幾重

孫尚書家山水卷三首

扁舟老樹傍蒼崖好似今秋雪嶺迴試問黃塵山下渡  
幾人曾為看山來

諸公久矣笑吾貪是處雲山欲結菴只有皇鄉解贊助

畫山須畫靜修龕

謂皇甫安國

畫圖題品代移文寄謝神川老使君欲乞龍山恐孤絕  
南州隆慮且平分

對碁

直釣風流又素琴也應似我對碁心道人本是忘機者

信手拈來意自深

夷皓

萬古人心自有堯直教夷皓怨難消憑誰移去安歸嘆  
換作康衢擊壤謠

聞角

人間無物比悠揚誰肯一聲隨夜長餘哀到曉無尋處  
吹作南湖十里霜

題宋理宗詩卷後

已未天王自出師眼前鉅廢想當時臨江洒洒男兒事  
誰向深宮正賦詩

雨中閑雲溪不在

燈火幽窗擬對談十年不到一龍潭白雲欲作山前雨  
應報高僧不在菴

送新安田尹

扁舟屢訪南溪老，驚見田侯拜下風。一遇蓋公能北面，愛君心與古人同。

勉齋

萬徑千歧各自分，北轅適越亦徒勤。勉齋究竟將何勉，不認途真恐誤君。

春齋

莫倚春愚遂自疎，保身須要畏刑書。頭邊既有儒冠在，誰為齋名赦得渠。

跋遺山墨蹟

晚生恨不識遺山，每誦歌詩必慨然。遺墨數篇君惜取，注家參校有他年。

題崔氏雪竹海棠二軒

崔氏溪亭竹樹新，分題為我報詩人。而今別有春風在，玉立諸孫鶴髮親。

王君願縱私屬詩卷

共賦人形覆載間，忍教牛馬與同欄。人情比比王褒約，毀券如君亦自難。

陶母剪髮橫披

剪髮英明子可知，披圖王二歎淚雙垂。阿娘襟量如陶母，爭信癡兒到老癡。

王治中請蠲免回

都南連歲水為災，輸輓區區亦可哀。驚見流民行復止，傳聞昨日治中來。

題孫氏永慕圖 畫其家山先隴所在

游宦恐忘丘隴念，披圖如對白雲孤。平生畫卷看多少，

最愛孫家永墓園

賀廉侯舉次兒子

相國當年病且貧，乘除天理暗中存。青青後樂堂前樹，又見廉泉第二孫。

寄楊晉州字伯榮二首

曾是吾鄉舊幕官，秋風碧水記紅蓮。而今却憶當時事，回首驚看二十年。南州選舉數三揚，中統衣冠半在亡。明日朝廷訪耆舊，不應白首尚為郎。

萬壽宮館舍

來時殘雪點征衣，落盡庭花尚未歸。夢裏不知身是病，春衫歸路馬如飛。

陳雄州止善堂詩卷

久被邦君撫養慈，野人無路識風姿。願將明日甘棠詠，用續諸公止善詩。

朱君挽章

送葬曾求薤露辭，一家風樹衆人悲。十年不廢當時念，篤孝如君亦我師。

疎齋二首

漫浪隨時聽自更，要從僻處到無名。疎齋未便常為主，月旦明朝有後評。眼前萬事先天圖，人力那容巧有餘。看盡四傍文理密，環中空闊却如初。

題樹上

才脫蓑衣聯網回，芒鞋隨意趁蒼苔。忽聞人語還私笑，林外誰呼學士來。

贈狂道士

得意雲山是處過逢人對酒即高歌世人休笑狂夫惡  
却恐狂夫笑汝多

李臨城哀挽 字仲溫

趙郡經過二十春臨城名姓舊曾聞驚看哀誄傷存歿  
悵望恒山日暮雲

長鄉兒子阿延百醉 二首

老年生子吾何願所願常推欲及人但願無災保家外  
一生長作太平民

和子新詩亦解狂詩中名姓莫相忘通家會有西山約  
各喜讐門共父長

靜修先生文集卷之十四

